



Tuke khaj les vaksina karing covid-19

Tut khas ofertulin te les vaksinatsia karing covid-19 kam si tut pušimata pa kodi decizia. Kadi informatsia shaj del tut žutipe angla, tela vaj pala vaksinatsia.

Nasvalipe covid-19 si anda jekh viruso. Maj but anda kodol so len o nasvalipe covid-19 nasvajven kovles, feri si kodol khaj nasvajven zurales phares. Maj nasules meren khatar kado nasvalipe.

Vaksinatsia protektulij tut thaj kaveren

Vaksinatsia karing covid-19 šaj protektulij tut khatar kado nasvalipe, kado tsinjarel o riziko te peres kaveren. Vramasa šaj ašavel pe o nasvalimasko peripe.

Kon lel oferta pe vaksinatsia?

Akanak len kodol khaj si 18 berš vaj maj phure e vaksinatsiaki oferta karing covid-19, pala rekomendatsi so Folkhälsomyndigheten del. Kodol khaj si ande maj baro riziko lena oferta maj anglunes te len vaksina.

Individualno dikhipe šaj avel kerdo

Anglunimastar či dela pe oferta pe vaksina kodolenge khaj si 17 berš vaj maj terne vaj žuvliange khaj si phare. Kado šaj parudžol vramasa kana avla so maj but žanglipe. Pala vaksina thaj kodo individosko grundoski problematika, šaj te avel diskusia ande specialne buča kusa kodo doktoro.

Šaj te nasvajves phares kana san phuro

Riziko te nasvajves zurales ando covid-19 vazdel pe kana san maj phuro, maj but te san 70 berš vaj maj phuro. Te si jekhes kaver nasvalimata si baro riziko te nasvajven ando nasul covid-19, vi terne thaj vi phure.

Proktetulij karing jekh nasul nasvalipe

Pala vaksinatsia vazdel štatoski imuna jekh protektsia karing covid-19. Či džanel pe akanak vaj savori len intrego protektsia khatar vaksina. Kade si kusa sa vaksini, naj feri kade karing covid-19. Feri avla maj tsini rizika te nasvajves zurales.

Angla vaksinatsia

Vaksinatsia karing covid-19 si volontarno.

Tu khaj kames te žanes maj but angla detsizia pa vaksinatsia si fakta thaj informatsia po 1177, Folkhälsomyndigheten thaj Läkemedelsverket. Dikh kontakto pe kaver righ.

Kade žal e vaksinatsia

Angla vaksinatsia skris jekh sastimaski deklaratsia.

Jekh bolnitsaki phej tel tut e vaksina kusa jekh suv ando orpuno vast. Te trobuja te les duvar vaksinatsia lesa sa kodi vaksinatsia sel duvar.

Pala pusajipe si normalno ke dukhal ektsera, loloj, šuvljol vaj xanžoj kote. Unienge šaj vazdel pe e temperatura, dukh ando šero thaj te ačaren pe nasvale. Kado si naturalno reaktsia khatar o štato thaj imunaki defensia. Symtomi si maj butivar kovle thaj nakhen pala varisave džes. Alergicne reaktsi si zurales tsera thaj či trobuj te aven.

Pala vaksinatsia

Te si tuke čores vaj daras pala vaksinatsia les kontakto kusa doktoro vaj bonitsate dikhen čire symtomura, sajek vaj si vaj naj pangle khaj e vaksinatsia.

Bolnitsako žutipe si te raportulin te dikhen nasul efektura khaj o Läkemedelsverket. Te si tut nasul efektura pala vaksina biris korkori te raportulij kodo po www.lakemedelsverket.se/rapportera.

Lel jekh kurko pala paluni dosa ži pun e proktetsia vazdel pe opre

Trobuj te dikhel pe savi vaksina lel pe ke trubuj te lel pe maj butivar e dosi te lel pe protektsia. Akanak trobuj duj dosi. Lel karing jekh kurko pala paluni dosa ži pun o štato vazdas jekh dosta zurali protektsia.

Tuke khaj des žutipe ande detsizia pa vaksinatsia

Tu khaj des žutipe jekhes khaj si tuke paše ande detsizia pa vaksinatsia kam trobus te vorbis doktorosa vaj kusa bolnitsaki phej te si tumen pušimata. Kodo si specialno

te si lokho te šordžol kodolesko rat, si kaver nasvalimata vaj lel medicina khaj paruvele e imunaki protektsia.

Maj but pa nasvalipe covid-19

Si variatsia pe syptomura po covid-19. Butivar mezin von sar jekh maj zurali trozna vaj influensaki infektsia. Uči temperatura thaj xas si maj normalne sytomi, šaj vi jekh vaj maj but anda kadal te aven: phares te phurdes, trozna ando nakh, kirleski dukh, šereski dukh, ačares tut čores, o pher žal, semnura, xasajvel o smako thaj e sunk, dukh ande kokala thaj e muskuli.

Natsionalno vaksinatsiaki registra

Sa vaksinatsi karing covid-19 si te aven registovane ando natsionalno vaksinatsiaki registra. Kodi informatsia khaj si registrovano si personnumer vaj samordnings-numer, vrama pe vaksinatsia, savi vaksina sas xasnime, numero pe vaksina, kon inkrel responsebilita pe vaksina, dosako numero pe vaksina karing covid-19.

Kado kerel pe te birij te dikhel pe pala kodo pe vaksinatsi. Kadal informatsi si garadine kusa absolutno sekreteso thaj či birij te lel pe ande patsientosko zurnalo. Tut si čači pe te manges avri e informatsia pala Dataskyddsförordningen (GDPR).

Produktoski informatsia pa vaksina

Arakhes aktualno informatsia pa vaksina khaj lesa ande digitalno forma pe Läkemedelsverkets internetoski righ. Biris te skris avri informatsia vaj te ginaves pe righ.

Maj but informatsia thaj kontakto

Informatsia so si pa tute, kote khaj trajis:

- 1177 Vårdguiden – [1177.se](https://www.1177.se)

Rekomendatsi pe vaksina thaj te preventulis peripe khatar o nasvalipe:

- Folkhälsomyndigheten – [folkhalsomyndigheten.se](https://www.folkhalsomyndigheten.se)

Vaksina karing covid-19:

- Läkemedelsverket – lakemedelsverket.se/coronavaccin
- Läkemedelsupplysningen, tel 0771-46 70 10

Atveto pe pušimata pa covid-19 narodoske:

- [krisinformation.se](https://www.krisinformation.se)
- 113 13 – det nationella informationsnumret (natsionalno informatsiako numeri)

Protektulin tut thaj kaveren maj dur

Tu khaj lan vaksina trobus maj dur te inkres tut pala rekomendatsi te xasajvel nasvalimasko peripe.

Dikh o progreso kodo keres kana

- ašos khere kana san nasvalo
- inkres distanso khaj kaver manuš
- thoves butivar čire vast.